


40 pelajar pascasiswazah UPM sertai “Panduan Penyediaan Kertas Kerja Penyelidikan, tingkat motivasi dalam penulisan tesis



Oleh: Dr. Cheng Kai Wah

SERDANG, 30 Dis – Seramai 40 orang pascasiswazah Fakulti Ekologi Manusia (FEM), Universiti Putra Malaysia (UPM) baru-baru ini menyertai ceramah dalam talian pascasiswazah FEM yang bertajuk ‘Panduan Penyediaan Kertas Kerja Penyelidikan’ (*FEM Postgraduate Talks: Crafting Research Proposal – A Step-by-Step Guide*) bagi meningkatkan motivasi dalam penulisan tesis.

Ceramah itu dianjurkan oleh Persatuan Mahasiswa Pascasiswazah Fakulti Ekologi Manusia (*Human Ecology Postgraduate Students’ Association – HEP SA*) dengan kerjasama Pejabat Timbalan Dekan (Pengajian Siswazah dan Jaringan Industri & Masyarakat), FEM, UPM, dikendalikan melalui aplikasi *Zoom Meeting Communications*.

Pembantu Pengajar FEM, UPM, Ngo Zhen Hong, berkata ceramah itu bertujuan untuk memberi pendedahan kepada semua pascasiswazah yang baru sahaja masuk ke

semester pertama program pengajian pascasiswazah.

“Pelajar pascasiswa turut mendapat tips dari segi sumber yang boleh diakses di dalam kampus, cara menyeimbangkan masa antara belajar serta beriadah dan motivasi untuk mencapai matlamat menghabiskan pengajian dalam tempoh masa yang ditetapkan (*Graduate-on-Time – GOT*) oleh Kementerian Pengajian Tinggi,” katanya.



Antara ahli panel yang terlibat pada ceramah tersebut, Ketua Jabatan merangkap Pensyarah Kanan Fakulti Perniagaan dan Komunikasi (*Faculty of Business and Communication – FBC*), INTI International University, Dr. Cheng Kai Wah yang juga merupakan alumni UPM Kelas 2015, Kelas 2017, dan Kelas 2020.

Dalam pada itu, pelajar pascasiswazah juga digalakkan untuk melanggan dan mengikuti akaun media sosial HEPsa di Facebook (@FEM.HEPSA), Telegram (t.me/FEMHEPSA) dan Instagram (@fem_hepsa) untuk mengetahui perkembangan terkini pengumuman dan pengajian pascasiswazah FEM, UPM.